

জরুরী

বিমান বাহিনী সদর দপ্তর
প্রশাসনিক শাখা
কর্মচারী পরিদপ্তর
ঢাকা সেনানিবাস

ফোন : ৮৭৫৩৪২০ সম্প্র : ৩৩১২

৩০ অক্টো ০৭

বিস/১৭২৪৯/ম্যানিং/খন্ড-৩/৮৪ক

চাকুরীর শর্তাবলী এমওডিসি (এয়ার)

সূত্র :

- ক। প্রতিরক্ষা মন্ত্রণালয় পত্র নং প্রম/আ-২/৯৮/ডি-৭/৪০২ তাং ১৭ অক্টো ০৭ (সকলকে নহে)।
- ১। সূত্র ক এর মাধ্যমে প্রেরিত বাংলাদেশ বিমান বাহিনীর এমওডিসি (এয়ার) সদস্যদের চাকুরীর শর্তাবলী সংক্রান্ত অনুমোদিত এএফআই ৭/২০০৭ এর ফটোকপি আপনাদের অবগতি ও পরবর্তী কার্যক্রমের জন্য এতদসঙ্গে প্রেরণ করা হল।
- ২। প্রশাসনিক সমন্বয় পরিদপ্তরের জন্য : এএফআই ৭/২০০৭ টি মুদ্রন ও বিতরণের প্রয়োজনীয় কার্যক্রম গ্রহণ করার জন্য অনুরোধ করা হল।
- ৩। বা বি বা রেকর্ড অফিসের জন্য : বাংলাদেশ বিমান বাহিনীতে ১১ অক্টোবর ২০০৭ ইং তারিখে কর্মরত সকল পদবীর এমওডিসি সদস্যদের নিকট হতে এএফআই ৭/২০০৭ এর প্যারা নং ২৬ অনুযায়ী প্রত্যয়নপত্র গ্রহণ করে তা সংশ্লিষ্ট সকলের ব্যক্তিগত নথিপত্রে সংরক্ষণ এবং অন্যান্য প্রয়োজনীয় কার্যক্রম গ্রহণ করার জন্য অনুরোধ করা হল।
- ৪। ইহা পরবর্তী কার্যক্রমের জন্য প্রেরণ করা হল।



মোঃ হুমায়ুন করীর
উইং কমাঃ
পক্ষে স বি বা প্র (প্র)

সংলগ্নী : বর্ণনা মোতাবেক।

বিতরণ :

কার্যার্থে :

বা বি বা বাশার

বা বি বা কুর্মিটোলা

বা বি বা মতিউর

বা বি বা জহুর

বা বি বা পাহাড়কাঞ্চনপুর

বা বি বা রেকর্ড অফিস

আভ্যন্তরীণ :

কার্যার্থেঃ

প্রশাসনিক সমন্বয় পরিদপ্তর

সীমিত
বিমান বাহিনী নির্দেশিকা

নং - ৭/২০০৭

তারিখঃ ১১/১০/২০০৭

বিমান বাহিনী নির্দেশিকা নং ৭/২০০৭। চাকুরীর শর্তাবলী - এমওডিসি (এয়ার)

ভূমিকা

১। গণপ্রজাতন্ত্রী বাংলাদেশ সরকারের সিদ্ধান্ত অনুযায়ী বাংলাদেশ বিমান বাহিনীর জন্য একটি পৃথক এমওডিসি (এয়ার) সংগঠন তৈরীর অনুমোদন পাওয়া যায়। উক্ত সিদ্ধান্ত অনুযায়ী বিমান বাহিনীতে চাকুরীরত এমওডিসি (এয়ার) সদস্যগণ বিমান বাহিনীর গুরুত্বপূর্ণ অবকাঠামো যেমন : বিমান হ্যাঙ্গার, র‍্যাডার, মুখ্য যন্ত্রপাতি, টারমাক, রানওয়েসহ বিভিন্ন স্থাপনার নিরাপত্তার দায়িত্বে নিয়োজিত থাকিবে। স্বাধীনতা পরবর্তী বিমান বাহিনীতে কর্মরত এমওডিসি (এয়ার সদস্যদের যাবতীয় বিষয়াবলী বিমান বাহিনীর ব্যবস্থাদীনে পরিচালিত হইয়া আসিতেছিল। কিন্তু বাংলাদেশ বিমান বাহিনীতে কর্মরত এমওডিসি (এয়ার) সদস্যগণের জন্য পৃথক কোন চাকুরী শর্তাবলী না থাকায় সেনা বাহিনীর সৈনিকদের জন্য প্রযোজ্য এ আই ৬৫/৬৪ মোতাবেক চাকুরীর শর্তাবলী হইয়া আসিতেছে। পরবর্তীতে সেনা বাহিনীর সৈনিকদের জন্য এ আই ৬৫/৬৪ পরিবর্তীত হইয়া এ আই ২/৮৮ হিসাবে প্রকাশিত হইলেও উহার শর্তাবলীতে এমওডিসি (এয়ার) সদস্যগণের চাকুরীর শর্তাবলীর ক্ষেত্রে কোনরূপ নির্দেশনার উল্লেখ ছিল না। উক্ত প্রেক্ষাপটে প্রতিরক্ষা মন্ত্রণালয়ের উদ্যোগে তিন বাহিনীর এমওডিসিদের চাকুরীর বিধিমালা পরিবর্তনের জন্য কয়েক দফা আলোচনা সভা অনুষ্ঠিত হয় এবং সর্বশেষ ০৯ জুলাই ১৯৯৮ তারিখে প্রতিরক্ষা মন্ত্রণালয়ে অনুষ্ঠিত বৈঠকে ১৯৭৪ সালে গৃহীত সিদ্ধান্ত অনুযায়ী এমওডিসিদেরকে স্ব-স্ব বাহিনীর নিয়ন্ত্রনাধীনে রাখিবার সিদ্ধান্ত গৃহীত হয় এবং বিমান বাহিনী ও নৌ বাহিনী হইতে প্রয়োজনীয় আইনের সংশোধন ও তাহাদের চাকুরীর শর্তাবলী প্রেরণের জন্য স্ব স্ব বাহিনীর সদর দপ্তরকে নির্দেশ প্রদান করা হয়। উক্ত সিদ্ধান্তের প্রেক্ষিতে গণপ্রজাতন্ত্রী বাংলাদেশ সরকার, প্রতিরক্ষা মন্ত্রণালয়ের পত্র নং-১৮/৪ডি-১/আই/এস/৭৩ তারিখে ২৩ জানুয়ারী ১৯৭৪ এর প্রদত্ত ক্ষমতা বলে এমওডিসি (এয়ার) সদস্যগণের জন্য নিম্নোক্ত চাকুরীর শর্তাবলী জারী করা হইলঃ

রিট্রুটমেন্ট

২। এমওডিসি (এয়ার) হিসাবে ভর্তির জন্য প্রার্থীকে অবশ্যই এই নির্দেশে বর্ণিত প্রয়োজনীয় শিক্ষাগত যোগ্যতার অধিকারী হইতে হইবে এবং অন্যান্য শর্তাবলী পূরণ করিতে হইবে। নির্বাচনের জন্য তাহাদেরকে রিট্রুটিং অফিসারের সম্মুখে হাজির হইতে হইবে। ভর্তির জন্য বি এ এফ ফরম পি-২ (বি এ এফ এ্যাক্ট রুলস ১৯৫৭ এর প্রথম পরিশিষ্ট) পূরণ এবং স্বাক্ষর করিতে হইবে। এমওডিসি (এয়ার) সদস্যদেরকে এমওডিসি (জিডি) এবং এমওডিসি (ক্লার্ক) এই দুই ট্রেডে (পেশায়) ভর্তি করা হইবে।

জাতীয়তা

৩। প্রার্থীকে অবশ্যই বাংলাদেশের নাগরিক হইতে হইবে। এই বিষয়ে স্থানীয় ইউনিয়ন পরিষদ/পৌরসভা/সিটি কর্পোরেশনের চেয়ারম্যান/কমিশনার কর্তৃক প্রদত্ত জাতীয়তা সনদপত্র জমা দিতে হইবে।

শিক্ষাগত যোগ্যতা

৪। এমওডিসি (এয়ার) এ ভর্তির জন্য প্রার্থীর শিক্ষাগত যোগ্যতা নিম্নরূপঃ

- ক। এমওডিসি (ক্লার্ক) - এস এস সি পাশ/সমমান উত্তীর্ণ হইতে হইবে।
খ। এমওডিসি (জিডি) - নবম শ্রেণী পাশ/সমমান হইতে হইবে।

শারীরিক যোগ্যতা

৫। এমওডিসি (এয়ার) এ ভর্তির জন্য প্রার্থীর শারীরিক যোগ্যতা নিম্নরূপঃ

- ক। ন্যূনতম উচ্চতা - ৬৪ ইঞ্চি বা ১৬২.৫৬ সেন্টিমিটার।
খ। ন্যূনতম বুকের মাপ - ৩০ ইঞ্চি এবং সম্প্রসারণের পর ৩২ ইঞ্চি
(যথাক্রমে ৭৬২০ এবং ৮১২৮ সেন্টিমিটার)
গ। ন্যূনতম ওজন - ১১০ পাউন্ড বা ৪৯৯৪ কেজি।

বয়সঃ

৬। এমওডিসি (এয়ার) এ ভর্তির জন্য প্রার্থীর বয়স নিম্নরূপঃ

ক। ভর্তির তারিখে প্রার্থীর বয়স অবশ্যই ১৬ হইতে ২১ বৎসরের মধ্যে হইতে হইবে। তবে বিমান বাহিনী প্রধানের বিশেষ বিবেচনায় কোন প্রার্থীর বয়স ৩৬ (ছয়) মাস পর্যন্ত শিথিল করিতে পারিবেন।

খ। এমওডিসি (ক্লার্ক) প্রার্থীর বয়স এসএসসি/সমমান পরীক্ষায় উত্তীর্ণ সনদপত্রে উল্লেখিত জন্ম তারিখ অনুযায়ী নিরূপন করা হইবে।

গ। এমওডিসি (জিডি) প্রার্থীর বয়স শিক্ষা বোর্ড কর্তৃক প্রদত্ত নবম শ্রেণীর রেজিস্ট্রেশন কার্ডে উল্লেখিত জন্ম তারিখ অনুযায়ী নিরূপন করা হইবে। এফিডেফিট গ্রহণযোগ্য নয়।

ডাক্তারী পরীক্ষা

৭। এমওডিসি (এয়ার) এ ভর্তির জন্য প্রার্থীর ডাক্তারী পরীক্ষা নিম্নরূপঃ

ক। প্রার্থীকে বাংলাদেশসহ পৃথিবীর যে কোন স্থানে চাকুরীর জন্য শারীরিক যোগ্যতা যাচাইয়ের নিমিত্ত রিক্রুটিং অফিসে ডাক্তারী পরীক্ষা করা হইবে। প্রার্থীর শারীরিক যোগ্যতার মান বিমান বাহিনী সদর দপ্তর কর্তৃক নির্ধারিত হইবে।

বৈবাহিক অবস্থা

৮। প্রার্থীকে অবশ্যই অবিবাহিত হইতে হইবে।

অভিভাবকের সম্মতি এবং চারিত্রিক সনদপত্র

৯। প্রার্থীর বয়স ১৮ বৎসরের নীচে হইলে তাহাকে অবশ্যই পিতামাতা/অভিভাবক কর্তৃক চাকুরীতে ভর্তির সম্মতি সনদপত্র প্রদান করিতে হইবে। সকল প্রার্থীকে স্থানীয় ইউনিয়ন পরিষদ/পৌরসভা/সিটি কর্পোরেশনের চেয়ারম্যান/কমিশনার কর্তৃক প্রদত্ত বৈবাহিক অবস্থার উল্লেখ সম্বলিত চারিত্রিক সনদপত্র জমা দিতে হইবে।

অযোগ্যতা

১০। নিম্নবর্ণিত শ্রেণীর প্রার্থীগণ এমওডিসি (এয়ার) পদে ভর্তির অযোগ্য হইবেঃ

ক। সেনা/নৌ/বিমান বাহিনী হইতে বহিস্কৃত।

খ। শৃংখলাজনিত কারনে সরকারী চাকুরী হইতে বহিস্কৃত/চাকুরীচ্যুত/অপসারিত।

গ। সরকারী চাকুরীতে নিয়োগ নিষিদ্ধ ঘোষিত।

ঘ। ফৌজদারী আদালত কর্তৃক যে কোন অপরাধের জন্য দণ্ডিত।

প্রাথমিক মেয়াদ

১১। প্রার্থীকে প্রাথমিকভাবে ২৩ বৎসরের জন্য ভর্তি করা হইবে।

বর্ধিত মেয়াদ

১২। পদোন্নতি প্রাপ্তিতে চাকুরির সময়সীমা নিম্নরূপভাবে পরিবর্তিত হইবেঃ

পদবি	চাকুরিকাল
ল্যান্স কর্পোরাল (এমওডিসি)	২৪ বৎসর
কর্পোরাল (এমওডিসি)	২৬ বৎসর
সার্জেন্ট (এমওডিসি)	২৭ বৎসর
ওয়ারেন্ট অফিসার (এমওডিসি)	৩০ বৎসর
সিনিয়র ওয়ারেন্ট অফিসার (এমওডিসি)	৩২ বৎসর
মাস্টার ওয়ারেন্ট অফিসার (এমওডিসি)	৩৫ বৎসর চাকুরি অথবা মাস্টার ওয়ারেন্ট অফিসার (এমওডিসি) হিসাবে ৭ বৎসর চাকুরি যাহা আগে আসবে।

২। এ সংশোধনীটি জারির তারিখ হইতে কার্যকর হইবে।

রাষ্ট্রপতির আদেশক্রমে

প্রশিক্ষণ

১৩। এমওডিসি (এয়ার) রিক্রুটগণ বিমান সদর কর্তৃক নির্ধারিত সময়ের জন্য সামরিক প্রশিক্ষণ গ্রহণ করিবেন। সফলতার সহিত প্রশিক্ষণ সমাপনান্তে শপথ গ্রহণের পর তাহাদেরকে প্রাথমিকভাবে সৈনিক পদবীতে নিয়োগ দেওয়া হইবে। ক্লার্ক পেশার এমওডিসি (এয়ার) সদস্যদের বেসিক ট্রেড কোর্সের জন্য নিয়োগ করা হইবে এবং সাফল্যের সহিত উত্তীর্ণ হওয়ার পর তাহাদেরকে পেশাগত দায়িত্ব পালনের জন্য নিয়োগ করা হইবে।

পদোন্নতি

১৪। এমওডিসি (এয়ার) সদস্যদের (জিডি/ক্লার্ক) বিভিন্ন পদবীতে অনুমোদিত সংস্থাপনের শূণ্য পদে জ্যেষ্ঠতার ভিত্তিতে এবং নিম্নবর্ণিত যোগ্যতা সাপেক্ষ পদোন্নতি প্রদান করা হইবেঃ

পদবী	অন্যন সময়কাল	পদবীতে অন্যন সময়কাল	প্রশিক্ষণ/পরীক্ষা
ল্যান্স কর্পোরাল (এমওডিসি)	৭ বৎসর		পদোন্নতি ক্যাডার প্রশিক্ষণ শুধুমাত্র জিডি পেশার জন্য এবং ক্লার্ক পেশার জন্য বিমান বাহিনী সদর দপ্তর কর্তৃক প্রণীত সিলেবাস অনুযায়ী বেসিক প্রশিক্ষণ অথবা সময় সময় বিমান সদর কর্তৃক প্রণীত নীতিমালা অনুযায়ী প্রশিক্ষণ।
কর্পোরাল (এমওডিসি)	৯ বৎসর	ল্যান্স কর্পোরাল (এমওডিসি) হিসাবে ১ বৎসর	পদোন্নতি ক্যাডার প্রশিক্ষণ শুধুমাত্র জিডি পেশার জন্য এবং ক্লার্ক পেশার জন্য বিমান বাহিনী সদর দপ্তর কর্তৃক প্রণীত সিলেবাস অনুযায়ী এ্যাডভান্স প্রশিক্ষণ অথবা সময় সময় বিমান সদর কর্তৃক প্রণীত নীতিমালা অনুযায়ী প্রশিক্ষণ।
সার্জেন্ট (এমওডিসি)	১৫ বৎসর	কর্পোরাল (এমওডিসি) হিসাবে ২ বৎসর	পদোন্নতি ক্যাডার প্রশিক্ষণ
ওয়ারেন্ট অফিসার (এমওডিসি)	১৮ বৎসর	সার্জেন্ট (এমওডিসি) হিসাবে ২ বৎসর	পদোন্নতি ক্যাডার প্রশিক্ষণ শুধুমাত্র জিডি পেশার জন্য এবং ক্লার্ক পেশার জন্য প্রযোজ্য সিলেবাস অনুযায়ী সিনিয়র ট্রেড এবং ম্যানেজমেন্ট প্রশিক্ষণ অথবা সময় সময় বিমান সদর কর্তৃক প্রণীত নীতিমালা অনুযায়ী প্রশিক্ষণ।
সিনিয়র ওয়ারেন্ট অফিসার (এমওডিসি)	২০ বৎসর	ওয়ারেন্ট অফিসার (এমওডিসি) হিসাবে ২ বৎসর	পদোন্নতি পরীক্ষা শুধুমাত্র জিডি পেশার এমওডিসিদের জন্য।

মাস্টার ওয়ারেন্ট অফিসার (এমওডিসি)	২৫ বৎসর	সিনিয়র ওয়ারেন্ট অফিসার (এমওডিসি) হিসাবে ২ বৎসর	
--	---------	--	--

জ্যেষ্ঠতা

১৫। যদি কোন বিশেষ পরিস্থিতিতে একজন এমওডিসি (এয়ার) সদস্য তার স্বীয় দোষ ব্যতিত যথাসময়ে পদোন্নতি পরীক্ষা বা পেশাগত পরীক্ষা বা প্রশিক্ষণে অংশগ্রহণ করিতে না পারেন অথবা নির্দিষ্ট সময় কোন কোর্স/পরীক্ষার ব্যবস্থা করা সম্ভব না হয় এবং এই কারণে যদি তিনি জ্যেষ্ঠতা হারান, তাহা হইলে উক্ত এমওডিসি (এয়ার) সদস্য পরবর্তীতে যথাযথ পরীক্ষা বা প্রশিক্ষণ সফলতার সহিত সমাপনান্তে তাহার প্রাপ্য তারিখ হইতে জ্যেষ্ঠতা প্রাপ্য হইবেন। এই ক্ষেত্রে পদোন্নতির জন্য ন্যূনতম নির্ধারিত চাকুরীকাল প্রযোজ্য ক্ষেত্রে শিথিল করা হইয়াছে বলিয়া গণ্য করা হইবে।

বেতন এবং ভাতা

১৬। এমওডিসি (এয়ার) সদস্যগণের বেতন এবং ভাতা সরকার কর্তৃক বিভিন্ন সময়ে জারীকৃত জেএসআই অনুযায়ী প্রদেয় হইবে। শুধুমাত্র দক্ষতা বেতন পাওয়ার জন্য ক্লার্ক পেশার একজন এমওডিসি (এয়ার) সদস্যকে মৌলিক (বেসিক) প্রশিক্ষণে উত্তীর্ণ হইতে হইবে।

ছুটি

১৭। চাকুরীর অত্যাৱশ্যকতা ব্যতিরেকে এমওডিসি (এয়ার) সদস্যগণের বার্ষিক ছুটি ৬০ দিন হইবে এবং অন্যান্য ছুটি বিমান বাহিনীতে প্রচলিত নিয়ম অনুযায়ী প্রদেয় হইবে।

চিকিৎসা সুবিধা

১৮। এমওডিসি (এয়ার) সদস্যগণ বিমান বাহিনীতে প্রচলিত বিধি মোতাবেক সকল চিকিৎসা সুবিধা পাইবেন।

বাসস্থান

১৯। এমওডিসি (এয়ার) সদস্যগণ সরকার কর্তৃক নির্ধারিত স্কেল অনুসারে বিনামূল্যে রেশন পাইবেন। যদি কর্তৃপক্ষ বিনামূল্যে রেশন সরবরাহ করিতে না পারেন, তাহা হইলে তাহাদেরকে রেশনের পরিবর্তে প্রচলিত বিধি অনুযায়ী ভাতা প্রদান করা হইবে।

পোষাক পরিচ্ছদ এবং সরঞ্জামাদি

২১। এমওডিসি (এয়ার) সদস্যগণ সরকার কর্তৃক জারীকৃত স্কেল অনুযায়ী প্রচলিত বিধি মোতাবেক পোষাক পরিচ্ছদ এবং অন্যান্য সরঞ্জামাদি পাইবেন।

অবসর, আনুতোষিক, অসমর্থতা ও পারিবারিক অবসর ভাতা

২২। এমওডিসি (এয়ার) সদস্যদের পেনশন সংক্রান্ত সুবিধাদি নিম্নরূপঃ

ক। এমওডিসি (এয়ার) সদস্যদের পেনশনযোগ্য চাকুরীর মেয়াদ ন্যূনতম ১৫ বৎসর।

খ। এমওডিসি (এয়ার) সদস্যগণ সরকার কর্তৃক সময় সময় জারীকৃত বিধি অনুযায়ী সকল প্রকার অবসর, আনুতোষিক, অসমর্থতাজনিত অবসর ও পারিবারিক অবসর ভাতা পাইবেন।

এমওডিসি (এয়ার) সদস্যগণকে বিমান বাহিনী আইন ১৯৫৩ ও বিধি ১৯৫৭ এর আওতাধীন আনয়ন

২৩। বাংলাদেশ বিমান বাহিনীতে কর্মরত ও ভর্তিকৃত সকল এমওডিসি সদস্য বিমান বাহিনী এ্যাক্ট ১৯৫৩ এবং বিমান বাহিনী এ্যাক্ট রুলস ১৯৫৭ এর আওতাধীন থাকিবে।

- ২৪। এমওডিসি (এয়ার) সদস্যগণের শৃংখলা, বিচারকাজ, প্রদেয় শাস্তি ইত্যাদি বিষয়সমূহ বিমান বাহিনী এ্যাক্ট ১৯৫৩ এবং বিমান বাহিনী এ্যাক্ট রুলস ১৯৫৭ এর বিধান অনুযায়ী সম্পন্ন করা হইবে।
- ২৫। বিমান বাহিনী এ্যাক্ট-১৯৫৩ এবং বিমান বাহিনী এ্যাক্ট রুলস ১৯৫৭ এর সকল বিধি বিধান প্রয়োগের ক্ষেত্রে বিমান বাহিনীর সদস্যদের সহিত এমওডিসি পদমর্যাদা নিম্নরূপভাবে তুলনীয় হইবে। উল্লেখ্য যে, বিমান বাহিনীর সদস্যদের সহিত এমওডিসি সদস্যদের পদ মর্যাদার সমতুল্য ছকটি শৃংখলা জনিত বিষয় ও শাস্তি মূলক ব্যবস্থা গ্রহণের ক্ষেত্রেও প্রযোজ্য হইবে।

বিবা বিমানসেনা পদবিন্যাস	এমওডিসি(এয়ার) পদবিন্যাস	মন্তব্য
মাষ্টার ওয়ারেন্ট অফিসার (এয়ার ফোর্স)	মাষ্টার ওয়ারেন্ট অফিসার (এমওডিসি)	মাষ্টার ওয়ারেন্ট অফিসার (এমওডিসি) এর জ্যেষ্ঠতা সর্বক্ষেত্রে মাষ্টার ওয়ারেন্ট অফিসার (এয়ার ফোর্স) এর নিম্নে হইবে।
সিনিয়র ওয়ারেন্ট অফিসার (এয়ার ফোর্স)	সিনিয়র ওয়ারেন্ট অফিসার (এমওডিসি)	সিনিয়র ওয়ারেন্ট অফিসার (এমওডিসি) এর জ্যেষ্ঠতা সর্বক্ষেত্রে সিনিয়র ওয়ারেন্ট অফিসার (এয়ার ফোর্স) এর নিম্নে হইবে।
ওয়ারেন্ট অফিসার (এয়ার ফোর্স)	ওয়ারেন্ট অফিসার (এমওডিসি)	ওয়ারেন্ট অফিসার (এমওডিসি) এর জ্যেষ্ঠতা সর্বক্ষেত্রে ওয়ারেন্ট অফিসার (এয়ার ফোর্স) এর নিম্নে হইবে।
সার্জেন্ট (এয়ার ফোর্স)	সার্জেন্ট (এমওডিসি)	সার্জেন্ট (এমওডিসি) এর জ্যেষ্ঠতা সর্বক্ষেত্রে সার্জেন্ট (এয়ার ফোর্স) এর নিম্নে হইবে।
কর্পোরাল (এয়ার ফোর্স)	কর্পোরাল (এমওডিসি)	কর্পোরাল (এমওডিসি) এর জ্যেষ্ঠতা সর্বক্ষেত্রে কর্পোরাল (এয়ার ফোর্স) এর নিম্নে হইবে।
লিডিং এয়ারক্রাফটম্যান (এয়ার ফোর্স)	ল্যান্স কর্পোরাল (এমওডিসি)	ল্যান্স কর্পোরাল (এমওডিসি) এর জ্যেষ্ঠতা সর্বক্ষেত্রে লিডিং এয়ারক্রাফটম্যান (এয়ার ফোর্স) এর নিম্নে হইবে।
এয়ারক্রাফটম্যান (এয়ার ফোর্স)	সৈনিক (এমওডিসি)	সৈনিক (এমওডিসি) এর জ্যেষ্ঠতা সর্বক্ষেত্রে এয়ারক্রাফটম্যান (এয়ার ফোর্স) এর নিম্নে হইবে।
রিক্রুট (এয়ার ফোর্স)	রিক্রুট (এমওডিসি)	রিক্রুট (এমওডিসি) এর জ্যেষ্ঠতা সর্বক্ষেত্রে রিক্রুট (এয়ার ফোর্স) এর নিম্নে হইবে।

২৬। যে সকল এমওডিসি বর্তমানে চাকুরীরত আছেন তাহাদেরকে এই এএফআই-তে বর্ণিত চাকুরীর শর্তাবলী গ্রহণ করার ইচ্ছা প্রকাশের সুযোগ দেওয়া হইবে। যাহারা এই এএফআই এর শর্তাবলী গ্রহণ করিতে অনিচ্ছা প্রকাশ করিবেন তাহারা এই নির্দেশ জারীর পূর্বে প্রচলিত বিধি মোতাবেক মেয়াদান্তে প্রযোজ্য সুযোগ সুবিধাসহ চাকুরী হইতে অবসর গ্রহণ করিতে পারিবেন।

২৭। এই এএফআই দ্বারা ইহার বিধান সমূহের সহিত অসামঞ্জস্যপূর্ণ পূর্বে জারীকৃত সকল নির্দেশ অতিক্রম (Supersede) করা হইল।

রাষ্ট্রপতির আদেশক্রমে,

(কামরুল হাসান)

প্রতিরক্ষা সচিব

RETIREMENT : MODC(AIR)

Sub Maj	:	32 Yrs of svc or 5 yrs as Sub Maj whichever is earlier.
Sub	:	(i) GD - 28 yrs pensionable svc. (II) Clk - 30 yrs pensionable svc.
N/Sub	:	(i) GD - 24 yrs pensionable svc. (II) Clk - 28 yrs pensionable svc.
Hav	:	(i) GD - 21 yrs pensionable svc. (II) Clk - 24 yrs pensionable svc.
Nk	:	(i) GD - 18 yrs pensionable svc. (II) Clk - 21 yrs pensionable svc.
L/Nk and Sepoy	:	15 yrs svc.
Ref	:	Army Instruction No 65/64.

PROMOTION POLICY : MODC(AIR)

1.	Sepoy to L/nK	-	5 Yrs Svc	-	Subject to passing promotion cadre course and Estb Vac.
2.	L/Nk to Nk	-	6 Yrs Svc	-	-''-
3.	Nk to Hav	-	7 Yrs Svc (6 months as Nk)	-	-'-
4.	Hav to N/Sub	-	10 Yrs Svc	-	Subject to passing promotion cadre course, Estb vac and cleared by promotion board.
5.	N/Sub to Sub	-	13 Yrs Svc (1.12 yrs N/Sub)	-	Subject to passing promotion cadre course, Estb vac and cleared by promotion board.
6.	Sub to Sub Maj	-	25 Yrs Svc (2 yrs as Sub)	-	Subject to Estb Vac and cleared by promotion board.

AFIs USED BY CPS

AFI	1/78	(Terms and condition of service Airmen).
AFI	16/66	(Restoration of rank and seniority other than Aircrew).
AFI	49/66	(Terms and condition of Airmen Aircrew).
AFI	67/59	(Re- enrolment of discharged Airmen : Terms and condition)
AFI	46/57 (& Corr 31/58	(Regarding Introduction of MWO).